



26. september 2024

UKA 2024/13

Jens NapātōK', Naleraq

Uunga siunnersuut: Aningaasarsianit akileraarutit pillugit Inatsisartut inatsisaannik, akileraaruserinermik ingerlatsineq pillugu Inatsisartut inatsisaannik kiisalu sulisoqarnermut akitsuut pillugu Inatsisartut inatsisaannik allannguinissamut Inatsisartut inatsisaat

(Aningaasaqarnermut Akileraartarnermullu Naalakkersuisoq)

Siullermeerneqarnera

Aningaasarsianit akileraarutit pillugit Inatsisartut inatsisaannik, akileraaruserinermik ingerlatsineq pillugu Inatsisartut inatsisaannik kiisalu sulisoqarnermut akitsuut pillugu Inatsisartut inatsisaannik allannguinissamut Inatsisartut inatsisaat siunnersuut Naalakkersuisooqatigiit sinnerlugit Aningaasaqarnermut Akileraartarnermullu Naalakkersuisup saqqummiussaanut imatut Naleqqamiit oqaaseqaateqassaagut.

Akileraartarnikkut aaqqissusseqqinnej aallaavigalugu aningaasarsiat akileraartutit pillugit inatsisartut inatsisaata, akileraaruserinermik ingerlatsineq pillugu Inatsisartut inatsisaata aamma sulisoqarnermut akitsuut pillugu Inatsisartut inatsisaata allanngortinneqarnerat pillugu inatsisartut inatsisissaattut siunnersuut saqqummiunneqartoq 366.700.0000 kr-inik aningaasartuuteqarfiusussaq saqqummiunneqarpoq.

Inummut ilanngaat qaffanniarneqarpoq 12.000 kr.imik 48.000-iminngaaniit 60.000 kr-imut 1. januar 2025 atuutilersussamik tamannaslu 4.320-5.280 kr akornanni akileraartartunut tamanut iluaquitaassasoq Naalakkersuisut saqqummiussissumminni oqariartuitigaat.

Taamatullu sulinermut ilanngaatip qaffanneqarnera aammalu allatut ilusilerneqarnera siunnersuutigineqarpoq tassanilu inuit 25.300-t missai aaqqissusseqqinnerup kingorna sulinermut ilanngaatiginnittassasut siunnersummi saqqummiunneqarpoq taakkunangalu inuit 6.200-t sulinermut ilanngaatip annerpaaffissaanik ilanngaatiginnittassasut naatsorsuutigineqartoq oqaatigineqarputtaaq.



Akiliutigisartagaq 11.095 kr.-t missaanik qaffassasoq, tassalu 2024-mi 4.655 kr.-nit, 2025-mi 15.750 kr.-nut, qaffassasoq siunnersummi saqqummiunneqartumi atuarsinnaavarput.

Siunnersuut tusaannarlugu inuppassuarnullu pitsasumik sunniuteqartussaalluni oqariartuitigineqartoq tusareerlugu nuannaajallannaraluaqaaq sunniuteqarfingisassai eqqarsaatgalugit isiginioraanni oqartariaqarpoq kiisami uggoraannarpoq saqqummiussukkagut isumaqatigiinniarnermi ingerlanneqartut Siumut ataatsimeersuareerluni siulittaasuata Naalakkersuutitaqartut inuttaat nikinneranni maannakkut Naalakkersuisuusoq isumaqatigiinniarfiginiarnerani imminuinnaq tusaallutik inissimalernerani isumaqatigiinniarnermi uagut peqataajunnaartariaqaratta ilami inuit aningaarsartuuteqarnerulerterseriarlugit inuuniarnerat akitsorsariarlugu tigooraaffigineraniit annertunersumik annertunerungaartumik tigooraaffigereerlugit ilanngartuutereerlugit aaqqiiniarluni annaasarpassui ilai utertinniarneqalermata torrallataanngitsumik inuiaqatigiinnullu akisoqisumik.

Taamatullu siunnersummi suliffeqarnermut ilanngaat siusinnerusumik sukkanerusumillu atorunnaartassasoq saqqummiukkaluaraat, ilanngullugu Naalakkersuisooqatigiit isumaqatigiissusertik aallaavigalugu saqqummiuppat ilaatigut kinguneqartussaq 500.000 kr.-t sinnerlugit isertitaqarnermi atorunnaartassalluni, siunnersummi ilanngullugu naatsorsuutaavoq akileraartartut 6.200-it missaaniittut ullumimut sanilliullugu suliffeqarnermut ilanngaataat appassasoq, tamannalu 440.000 - 630.000 kr.-t akornanni isertitalinnut pingarnermik atutissalluni.

Akileraartarnikkut aaqqissusseqqinnej toqqaannaq pissakinerusunut taamatullu sunniuteqarnerpaaffissaat qiviaraanni amerlassusaat qiviaraanni ikinnerungaartunut annertunerusumik iluaqutaanissaa uggorarpoq aammalu sulisartut ulluinnarni qimupiloortut meeqlerivinnut tapeqanngitsut, meerai tapisiaqanngitsut taamatullu ineqarnerminnut tapeqanngitsut ulluinnarni akiliinerpaasartut akunnattunik isertitaqartartut uani eqqugaasussangorpamata Naleqqamiit ugoreqaarput.

Inuiaqatigiit ingerlatitaaneranni tamaviaarneraat pisortanik isumalluuteqannginnerpaat uani siunnersummi akiliisinneqarput pilliuteqartinneqarnerpaapput tamannalu sulisartunut ukiorpassuarni politikkeqarfingilluinnarneranut ersiutaaqqiinnarpoq aammalu aalisartut amerliartuinnartut isertitaqanerulersimasut uani ajoaraluartumok isertitamikkut sunnerneqassapput



iseritaqarnerusortai pilliuteqartinneqalerput aaligooq aalisartunut sulisartunut nunap inuanut pitsaaneruseumik aaqqiiniartut.

Namminersortut aamma aallerfigiarneqarnerat annikigisassaanngilaq nunatsinni suliffinnik namminersortunngorsaaneq aammalu taakku atugaasa pitsasuunissaat politikkikkut ukkatarineqanngilluinnangajappoq maannakkullu aamma soqutiginngilluinnarlugillusooq kaasarfiiniit aallerniarneq annertoqaaq tassa sulisoqarnermut akitsuut 1%-imik qaffaaniarneq sulisartunut sulititsisunut ataatsimut tamanut inuiaqatigiit kaasarfianiit aasassanngorlugu aaqqissuunniarneqarpoq. 127 mio kr akiliuteqarneruneratigut landskarsimut isertissutaanerunissa aqquqissiorneqarluni maannakkut 0.9 %-imiittooq 106 mio. kr-inik isertitsissutaasartoq taamaasilluni marloriaataa sinnerlugu namminersortunut ingerlataqartunut aaniarneqalerpoq taamaasilluni sulisoqarnermut akitsuut 1,9 %-imut qaffanniarneqarpoq 233 mio. kr. isertitsissutaasalernissaat taamaasilluni akitsuutitsigut annertussuseqalissalluni tassa kvart milliard-it sinnerlugit namminersortut aallerfiginiarneqartalernerri namminersortunut sunniuteqaataa atuisunut aaneqarnissaa ilimanarluinnartoq suut tamaasa akitsoriartornerannut sunniuteqaqqittussaavoq kialluunnit tamanna politikkut ingerlatsinermi soqutigisaqartup ilisimasaqartullu nalunngilaa illuatungaatigut oqaluusaarlutik akikinneruseumik inissiiniarlutik ilungersuuteqarlutik, tassa marlunnik oqaqarnermik aatsaat taasassaq.

Suli tupinnarneruvoq Naalakkersuisut meerartaatartunut akitsut qaffasinnerpaaffianni suli aammaarlutik ajorneruseumik meeqlanut akilersuutinut inissiiniaqqillutik aningaasanik aallernialermata akileraarutinut ilanngaatigisarnerat atorunnaarsinniarmassuk taamatullu aamma imarsiornermi nerisaqarnermut aningaasartuutaanerusartunut ilanngaat aamma atorunnaarsinniarneqarpoq. Taamatut innuttaasut kaasarfiiniit allerneq periarfissanerat pitsanngorsarnagit ajorneruseumik inissillugit atuisunut innuttaasunut aningaasarpassuartut isigineqartut aaneqarnerat tupinnarluinnarpoq akueriuminaalluinnarlunilu. Aaligooq innuttaasut kaasarfiiniit aalertoqaqqiganilu akitsuutsinik eqqussuisoqaqqissanngitsoq, tassa Siumut Naalakkersuisoqataasalu akitsuusersuinerit akitsuutinik annertusaqqinnerit aallarteqqippaat kiisa meeqlanut aamma akilersuutit taamatullu imarsiortut ilanngaatigisinnaasaat aallerfigisaarlugit aallartiinnarput aningaasartuutaasartut annikigalugit oqalupput 3,1 million kr-iummata puigorpalli Naalakkersuisut taakku nunap inuinut atuisunullu toqqaannaq sunniuteqartussat inunnut aningaasarpassummata. Sulisoqarnermut akitsuutsip qaffanneqarnera 127 mio kr-inik



annertuujuvoq inuiaqatigiinnullu sunniutissai annertuujusussaapput taamatullu
iluarsartusseqqinnissamut aningaasartatuaasoq Naalakkersuisooqatigijit immikkoortitaat uani 35
mio kr-it aningaasartaliunneqassapput aningaasamut inatsimmeereersut taakkulu qaavatigut
imeruersaatit puuinut akitsuutit annersineranni 85 mio. kr.-it uani aningaasalersuinissamut
ilassutissatut ilanngunneqarput aningaasami inatsisissami 60 mio. kr-it kisimik atussasut
Naalakkersuisut saqqummiinikooriarlutik. Inuiaqatigiinnut akisunerusumik kaasarfissionermi
saniatigut tupinnaannartumik ilaatigut aningaasalersornarpaat nunatta karsiata sinneqartoorutaannik
annikilliinikkut 116,9 million kr. it aaniarmassuk ila tupinnaq ukioq ataaseq aaqpeeriarluni siunissami
suminngaanniit taakku matussuserneqassagamik oqaluutigalutik aalisarnikkut isertinneqartartut
ikinnerulissasut tamanna aningaasarsiornikkut ingerlatsinikkullu eqqarsarluarneruinnarani
ningaasartaqanngitsumik iliuuseqarneruvoq tupinnarnerpaaq.

Namminersorlutik Oqartussat sulisoqarnermut akitsuutinut aningaasartuutai qaffatussaasuttaaq takusinnaavarput tamannalu ukiumut 28 mio. kr-inut qaffassasut naatsorsuutaavoq soorlu namminersortut 63 mio. kr-inik qaffaaffigineqartussaasut takusinnaagipput taamatullu aamma tupinnarnerpaavoq iluarsaaqqinnerup kommunit aningasaqarnerannut sunniutai inummut ilanngaatip qaffannerani annaasaqaataassamata kommunip karsianut 150,2 mio. kr-inik taamatullu sulisoqarnermut akitsuutit qaffasinnerusut 35,7 mio. kr-inik annaasaqaataasussaapput taakku 200 mio kr-tungaanoortut taakkulu aningaasartuutasut qaffanneqarnerat kommunit ataatsimoortumik tapiissutit pillugit isumaqatigiinniarnermi ilaatinneqarsinnaassappunngooq aap ilumoortumik atuagapput atuarparput tassa ilaatinneqarsinnaassappunngooq, tassa kommunit aningaasatigut annaasaqaatissaat 182,6 mio. kr isumaqatigiinniarnermi ilaatinneqarsinnaassappunngooq aaligooq Naalakkersuisoq oqarnerattuut aaqqissusseqqinnissaq tamaat aningaasalersugaareersoq.

Ajuissorpoq. Suli tatigiuminaappoq. Naalakkersuisummi oqarput Kommunit aningasanik aallerfiginissaannik oqaloqatiginnereersimallutik. Uanilu siunnersuutaanni aningaasarpassuit kommuniniit toqqaannaq tiguneqartussat taaneqarlutik “isumaqatigiinniutaasinnaasut”. Kakkaammi, isumaqatigiinniussutaasinnaappunngooq, inissinneqarnikuugatik. Tamanna Kommuninit qulakkeertariaqarsimavarput. Tupaallapput. Ila Naalakkersuisuit tatigineqarsinnaanertik taamatut ingerlatsinermi suli innarleriartuinnarpaat.

Aanalu naggataatigut taasariaqagaq. Pingaartorujussuuvoq.



Aaqqissusseqqinneq, “reform”, immikkut ittumik isertitanik akilersorneqalerpoq. Inuaqatigiinniit aningasaataaniit aallernerunikuunerminnit ukioq manna immikkut ittumik pissarsinerunikuugamik, Naalakkersuisut ilimaginegqisaminnik. Taakkualu aningasat, immikkut ittumik pissarsiarijisimasaniit, una siunnersuut aningaasalersorneqarpoq.

Immikkut ittumik pissarseqqinngikkutta taava qanoq aningaasalersorneqassava?

Aaqqissusseqqinnerit ataavartussatut sananeqartartussaapput, namminerisamik ingerlasinnaasut, immikkut ittumik aningasanik pissarseriasaarsimanerniit ingerlanneqarsinnaanngillat. Aaqqissusseqqinnerunngilaq, qineeqquaarununa. Taamaattussaanngilaq, iluamik torersumillu aaqqissusseqqinniarneq anguniarneqartariaqarpoq.